



797



浣花集



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007




四部叢刊集部

沈氏集

浣
花
集

四部叢刊集部



上海涵芬樓借江安
 傅氏雙鑑樓藏明江
 陰朱氏刊本景印原
 書版心高營造尺六
 寸一分寬四寸五分

韋莊浣花集序

余家之兄莊自庚子亂離前凡著歌詩文章數十通屬兵火迭興簡編俱墜唯餘口誦者所存無幾爾後流離漂泛寓目緣情子期懷舊之辭王粲傷時之製或離羣軫慮或反袂興悲四愁九愁之文一詠一觴之作迄於癸亥歲又綴僅千餘首庚申夏自中諫□□□辛酉春應聘為西蜀奏記明年浣花溪尋得杜工部舊址雖

蕪沒已久而柱砥猶存因命芟夷結茅爲一室
蓋欲思其人而成其處非敢廣其基構耳藹便
因閒日錄兄之藁草中或默記於吟詠者次爲
□□□目之曰浣花集亦杜陵所居之義也餘
今之所製則俟爲別錄用繼於右時癸亥年六
月九日藹集

浣花集明朱子備說云其第藹嘗爲作序今不存以毛氏序爲序
年補三補遺及子備說又復一抄本補遺辛酉三月孫承澤識

浣花集卷第一

杜陵韋莊

今體詩凡四十八首

章臺夜思

清瑟怨遙夜遶弦風雨哀孤燈聞楚角殘
月下章臺芳草已云暮故人殊未來鄉書
不可寄秋鴈又南迴

延興門外作

芳草五陵道美人金犢車綠奔穿內水紅
落過牆萼馬足倦遊客鳥聲歡酒家王孫

歸去晚宮樹欲棲鴉

劉得仁墓

至公遺至藝終抱至冤沈名有詩家業身
無戚里心桂和秋露滴松帶夜風吟冥寞
知春否墳蒿日已深

下第題青龍寺僧房

千蹄萬轂一枝芳要路無媒果自傷題柱
未期歸蜀國曳裾何處謁吳王馬嘶春陌
金羈閑鳥睡萼林繡羽香酒薄恨濃消不
得却將惆悵問支郎

江陰朱氏文房

虢州澗東村居作

東南騎馬出郊坰迴首寒煙隔郡城清澗
漲岾翹鷺喜綠桑踈處哺牛鳴兒童見少
生於客奴僕驕多倨似兄試望家田還自
適滿畦秋水稻苗平

送日本國僧敬龍歸

扶桑已在渺茫中家在扶桑東更東此去
與師誰共到一船明月一帆風

對酒

何用巖棲隱姓名一壺春耐可忘形伯倫

若有長生術直到如今醉未醒

尹喜宅

荒原秋殿柏蕭蕭何代風煙占寂寥紫氣
已隨僊仗去白雲空向帝鄉消濛濛暮雨
春鷄唱漠漠寒蕪雪兔跳音條欲問靈蹤無
處所十洲空闊閩山遙

途中望雨懷歸

滿空寒雨慢霏霏去路雲深鎖翠微牧豎
遠當煙草立饑禽閑傍渚田飛誰家樹壓
紅樞折幾處籬懸白菌肥對此不堪鄉外

江陰朱氏文房

思荷蓑遙羨釣人歸

古離別

晴煙漠漠柳鬢髮不彫離情酒半酣更把
馬鞭雲外指斷腸春色在江南

柳谷道中作却寄

馬前紅葉正紛紛馬上離情斷殺魂曉發
獨辭殘月店暮程遙宿隔雲村心如嶽色
畱秦地夢逐河聲出禹門莫怪苦吟鞭拂
地有誰傾蓋待王孫

灞陵道中作

春橋南望水溶溶一桁晴山倒碧峯秦苑
落萼零露濕灞陵新酒撥醅濃青龍天矯
盤雙闕丹鳳旌樵隔九重萬古行人離別
地不堪吟罷夕陽鐘

秋日早行

上馬蕭蕭襟袖涼路穿禾黍繞宮牆半山
殘月露華冷一岸野風蓮萼香煙外驛樓
紅隱隱渚邊雲樹暗蒼蒼行人自是心如
火兔走烏飛不覺長

歎落萼

江陰朱氏文房

一夜霏微露濕煙曉來和淚喪嬋娟不隨
殘雪埋芳草盡逐香風上舞筵西子去豈
遺笑靨謝娥行處落金鈿飄紅墮白堪惆
悵少別穠華又隔季

宮怨

一辭同輦閉昭陽耿耿寒宵禁漏長釵上
翠禽應不返鏡中紅豔豈重芳螢低夜色
棲瑤草水咽秋聲傍粉牆展轉令人思蜀
賦解將惆悵感君王

關河道中

槐陌蟬聲柳市風，驛樓高倚夕陽東。往來千里路長在，聚散十年人不同。但見昔光流似箭，豈知天道曲如弓。平生志業匡堯舜，又擬滄浪學釣翁。學一作詩

題盤豆驛水館後軒

極目晴川展畫屏，地從桃塞接蒲城。灘頭鷺占清波立，原上人侵落照耕。去鷹數行天際沒，孤雲一點淨中生。憑軒盡日不迴首，楚水吳山無限情。

梁氏水齋

江陰朱氏文房

獨醉任騰騰，琴碁亦自能。卷簾山對客，開戶犬迎僧。看蟻移苔穴，聞蛙落石層。夜窗風雨急，松外一菴燈。

曲江作

細雨曲池濱，青袍草色新。詠詩行信馬，載酒喜逢人。性爲無機率，家因守道貧。若無詩自遣，誰奈寂寥春。

嘉會里閑居

豈知城闕內，有地出紅塵。草占一坊綠，樹藏千古春。馬嘶遊寺客，犬吠探萼人。寂寂

無鐘鼓槐行接紫宸

坊一作方

夏夜

傍水遷書榻開襟納夜涼
星繁愁晝熱露重覺荷香
蛙吹鳴還息蛛羅滅又光
正吟秋興賦桐影下西牆

早發

早霧濃於雨田深黍稻低
出門雞未唱過客馬頻嘶
樹色遙藏店泉聲暗傍畦
獨吟三十里城月尚如珪

寓言

黃金日日銷還鑄僊桂
季季折又生兔黍烏飛如
未息路塵終見泰山平

對雪獻薛常侍

璫林瑤樹忽珊珊急帶西風下
晚天皓鶴襜褕飛不辨玉山重
疊凍相連松裝粉穗臨窗亞
水結冰錐簇溜懸門外寒光利
如劍莫推紅袖訴金船

題裴端公郊居

暫隨紅旆佐藩方高跡終期臥故鄉
已近水聲開澗戶夏侵山色架書堂
蒲生岸脚

青刀利柳拂波心綠帶長莫奪野人樵牧
興白雲不識繡衣郎

登咸陽縣樓望雨

亂雲如獸出山前細雨和風滿渭川盡日
空濛無所見鴈行斜去字聯聯

賽公子

大道青樓御苑東玉欄僊杏壓枝紅金鈴
大吹梧桐院朱鬣馬嘶楊柳風流水帶萼
穿巷陌夕陽和樹入簾櫳瑤池宴罷歸來
醉笑說君王在月宮

江陰朱氏文房

聽趙秀才彈琴

滿匣冰泉咽又鳴玉音閑澹入神清巫山
夜雨絃中起湘水清波指下生蜂簇野萼
吟細韻蟬移高柳迸殘聲不須更奏幽蘭
曲卓氏門前月正明

觀獵

苑牆東畔欲斜暉傍苑穿萼兔正肥公子
喜逢朝罷日將軍誇換戰峩衣鶻翻錦翅
雲中落犬帶金鈴草上飛直到四郊高鳥
盡掉鞍齊向國門歸

三堂東湖作

滿塘秋水碧泓澄十畝菱華晚鏡清影動
新橋橫蝟蝓岸鋪芳草睡鷓鴣蟾投夜魄
當湖落嶽倒秋蓮入浪生何處最添詩客
與黃昏煙雨亂蛙聲

放榜日作

一聲天鼓闢金扉三十僊材上翠微葛水
霧中龍乍變緱山煙外鶴初飛鄒陽暖豔
催華發太皞春光簇馬歸回首便辭塵土
世彩雲新換六銖衣

江陰朱氏文房

寄薛先輩

懸知迴日綵衣榮僊籙高標第一名瑤樹
帶風侵物冷玉山和雨射人清龍翻瀚海
波濤壯鶴出金籠燕雀驚不說文章與門
地自然毛骨是公卿

訪含弘山僧不遇畱題精舍

滿院桐華鳥雀喧寂寥芳草茂芊芊吾師
正遇歸山日閑客空題到寺季池竹閉門
教鶴守琴書開篋任僧傳人間不自尋行
跡一片孤雲在碧天

寄從兄遵

江上秋風正釣鱸九重天子夢翹車不將
高臥邀劉主自吐清談護漢儲滄海十季
龍影斷碧雲千里鷹行跡相逢莫話歸山
計明日東封待直廬

漁塘十六韻

在朱陽縣石崑下古
老云洛水一派流出

此山

洛水分餘脈穿巖出石稜碧經嵐氣重清
帶露華澄瑩澈通三島巖梧積萬層巢由
應共到劉阮想同登壁峻苦如畫山昏霧

江陰朱氏文房

似蒸撼松衣有雪題石硯生水路熟雲中
客名畱域外僧饑猿尋落橡鬪鼠墮高藤
嶮樹臨溪亞殘莎帶岸崩持竿聊藉草待
月好垂簷對景思任父開圖想不興晚風
輕浪疊暮雨濕煙疑似泛靈查出如迎羽
客昇僊源終不測勝槩自相仍欲別誠堪
戀長歸又未能他昔操史筆爲爾著良稱
秦秦
冬日長安感志寄獻虢州崔郎中

雲林呈二十韻

帝里無成久滯淹別家三度見新蟾郅詵

丹桂無人指阮籍青襟有淚霑溪上却思
雲滿屋鏡中唯怕雪生髯病如原憲誰能
療蹇似劉禎豈用占霧雨十季同隱遁風
雷何日振沈潛吁嗟每被夏聲引歌詠還
因酒思添客舍正甘愁寂寂郡樓遙想醉
耿耿已聞鈴閣懸新詔卽向綸闈副具瞻
濟物優同川上楫慰心還似邑中黔觀星
始覺中郎賢問俗方知太守廉宅後綠波
棲畫鷁馬前紅袖簇丹檐閑招好客斟香
蟻悶對瓊華詠散鹽積凍慢封寒靄細暮

江陰朱氏文房

雲高拔遠峯尖訟堂無事冰生印水榭高
吟月透簾松下圍碁期褚胤筆頭飛箭薦
陶謙未知匣劍何嘗躍但恐鉛刀不再銛
雖有遠心長擁篲恥將新劍學編苦纔驚
素節移銅律又見玄冥變玉籤百口似萍
依廣岸一身如燕戀高簷如今正困風波
力更向人中問宋織

和薛先輩見寄初秋寓懷卽事之
作二十韻

玉律初移候清風乍遠襟一聲蟬到耳千

炬火燃心嶽靜雲堆翠樓高日半沈引愁
憎暮角驚夢怯殘碁露白凝湘簟風篁韻
蜀琴鳥喧從果爛堦淨任苔侵柿葉添紅
影槐柯減綠陰採珠逢寶窟閱石見瑤林
魯殿鏗寒玉苔山激碎金郗堂流桂影陳
巷集車音名自張華顯詞因葛亮吟水深
龍易失天遠鶴難尋鑿貌寧慙樂論才豈
謝任義心孤劍直學海怒濤深既覩文兼
質翻疑古在今慙聞紆綠綬旣侯挂朝簪
晚樹連秋塢斜陽映暮岑夜蟲方唧唧疲

江陰朱氏文房

馬正駸駸託跡同吳燕依仁似越禽會隨
僊羽化香蟻且同斟

同舊韻

大火收殘暑清光漸惹襟謝莊千里思張
翰五湖心暮角迎風急孤鐘向暝沈露滋
三徑草日動四隣碁篔簹委班姬扇蟬悲蔡
琰琴方愁丹桂遠已怯二毛侵甃石迴泉
脈移碁就竹陰觸絲蛛墮網避隼鳥投林
貌愧潘郎壁文慙呂相金但埋豐獄氣未
發囊桐音靜笑劉琨舞閑思阮籍吟野萼

和雨斲怪石入雲尋跡竟終非切幽間且
自任趨岵慙藝薄託質仰恩深美價方稀
古清名已絕今旣聞畱縞帶詎肯擲著簪
遲滯客虛高閣迎僧出亂岑壯心徒戚戚
逸足自駸駸安羨倉中鼠危同幕上禽期
君調鼎鼎他日俟羊斟

三用韻

素律初迴馭商颯暗觸襟乍傷詩客思還
動旅人心蟬噪因風斷鱗遊見鷺沈笛聲
隨晚吹松韻激遙碁地覆青袍草窗橫綠

江陰朱氏文房

綺琴煙霄難自致歲月易相侵澗柳橫孤
灼巖藤架密陰瀟湘期釣侶郭杜別家林
遺愧虞卿壁言依季布金錚鏃聞郢唱次
第發巴音螢影衝簾落蟲聲擁砌吟樓高
思共釣寺遠想同尋入夜愁難遣逢秋恨
莫任蝸遊苔徑滑鶴步翠塘深莫問榮兼
辱寧論古與今固窮憐瓮牖感舊惜蒿簪
晚日舒霞綺遙天倚黛岑鴛鸞方翾翾驥
驥整駸駸未化投陂竹空思出谷禽感多
聊自遣桑落且閑斟

驚秋

不向煙波狎釣舟，強親文墨事傷丘。
長安十二槐華陌，曾負秋風多少愁。

登漢高廟閑眺

獨尋僊徑上高原，雲雨深藏古帝壇。
天畔晚峯青簇簇，檻前春樹碧團團。
參差郭外樓臺小，斷續風中鼓角殘。
一帶遠光何處水，釣舟閑繫夕陽灘。

耒陽縣浮山神廟

一郡皆傳此廟靈，廟前松桂古今青。
青山曾

江陰朱氏文房

堯代浮洪水，地有唐臣奠綠醺。
遶空香風吹寶蓋，傍簷煙雨濕巖扃。
爲霖自可成農歲，何用興師遠伐邢。

愁

避愁愁又至，愁至事難忘。
夜作心中火，朝爲鬢上霜。
不經公子夢，偏入旅人腸。
借問高軒客，何鄉是醉鄉。

村居書事

季季耕與釣，鷗鳥已相依。
砌長蒼苔厚，藤抽紫蔓肥。
風鶯移樹囀，雨燕入樓飛。
不覺

春光暮遶籬紅杏稀

三堂早春

獨倚危樓四望遙
杏華春陌馬聲驕
池邊冰刃暖初落
山上雪稜寒未銷
谿送綠波穿郡宅
日移紅影度村橋
主人季少多情味
笑換金龜解珥貂

浣花集卷第一

江陰朱氏文房

浣花集卷第二

杜陵韋莊

今體詩凡二十七首

雨霽晚眺

庚子季冬大駕幸蜀後作

入谷路縈紆巖巔日欲晡
嶺雲寒掃蓋溪雪凍粘鬚
臥草跼如兔聽冰怯似狐
仍聞關外火昨夜徹皇都

立春日作

九重天子去蒙塵
御柳無情依舊春
今日不關妃妾事
始知辜負馬嵬人

贈雲陽縣裴明府

南北三季一解攜海爲深谷岸爲蹊已聞
陳勝心降漢誰爲田橫國號齊暴客至今
猶戰鶴故人何處尚驅雞歸來能作煙波
伴我有魚舟在五溪

賊中與蕭韋二秀才同臥重疾二

君尋愈余獨加焉恍惚之中因有

題

與君同臥疾獨我漸彌畱弟妹不知處兵
戈殊未休冑中疑晉豎耳下鬪殷牛縱有

江陰朱氏文房

秦醫在懷鄉亦淚流

重圍中逢蕭校書

相逢俱此地此地是何鄉側目不成語撫
心空自傷劒高無鳥度樹暗有兵藏底事
征西將季季戍洛陽

咸通

咸通昔代物情奢歡殺金張許史家破產
競畱天上樂鑄山爭買洞中萼諸郎宴罷
銀燈合僊子遊迴壁月斜人意似知今日
事急催絃管送季華

白櫻桃

王母堦前種幾株水精簾外看如無只應
漢武金盤上瀉得珊珊白露珠

夜景

滿庭松桂雨餘天宋玉秋聲韻蜀絃烏兔
不知多事世星辰長似太平季誰家一笛
吹殘暑何處雙砧擣暮煙欲把傷心問明
月素娥無語淚娟娟

宿山家

山行侵夜到雲竇一星燈草動蛇尋穴枝

江表宋氏文房

搖鼠上藤背風開藥竈向月展漁罾明日
前溪路煙蘿更幾層

長季

長季方悟少季非人道新詩勝舊詩十畝
野塘畱客釣一軒春雨對僧碁萼間醉任
黃鶯說亭上吟從白鷺窺大盜不將爐冶
去有心重築太平基

辛丑季

九衢漂杵已成川塞上黃雲戰馬閑但有
羸兵填渭水更無奇士出商山田園已沒

紅塵裏弟妹相逢白刃間西望翠華殊未
返淚痕空濕劒文斑

思歸

暖絲無力自悠揚牽引東風斷客腸外地
見萼終寂寞異鄉聞樂更淒涼紅垂野岸
櫻還熟綠添迴汀草又芳舊里若爲歸去
好子期凋謝呂安止

憶筓

筓季曾向五陵遊子夜歌清月滿樓銀燭
樹前長似晝露桃萼裏不知秋西園公子

江陰朱氏文房

名無忌南國佳人號莫愁今日亂離俱是
夢夕陽唯見水東流

合歡蓮萼

虞舜南巡去不歸二妃相誓死江湄空留
萬古香魂在結作雙葩合一枝

覽蕭必先卷

滿軸編新句翛然大雅風名因五字得命
合一言通景盡才難盡吟終意未終似逢
曹與謝煙雨思何窮

和人歲晏旅舍見寄

積雪滿前除寒光夜皎如老憂新歲近貧
覺故交踈意合論文後心降得句初莫言
常鬱鬱天道有盈虛

宿泊孟津寄三堂友人

解纜西征未有期槐華又逼桂華時鴻臚
陌上歸耕晚金馬門前獻賦遲只恐愁苗
生兩鬢不堪離恨入雙眉分明昨夜南池
夢還把漁竿詠楚詞

對酒賦友人

多病仍多感君心自我心浮生都是夢浩

歎不如吟白雪篇篇麗清醑盞盞深亂離
俱老大強醉莫霑襟

天井關

太行山上雲深處誰向雲中築女牆短綆
詎能垂玉甃繚垣何用學金湯斷開嵐翠
爲高壘截斷雲霞作巨防守吏不教飛鳥
過赤眉何路到吾鄉

贈邊將

谷因征遠向金微馬出榆關一鳥飛萬里
只攜孤劍去十季空逐塞鴻歸手招都護

新降虜身著文皇舊賜衣只待煙塵報天子滿頭霜雪為兵機

春日

忽覺東風

一作君

景漸遲野梅山杏暗芳菲

落星樓上吹殘角偃月營中掛夕暉旅夢

亂隨蝴蝶散離魂

一作情

漸逐杜鵑飛紅塵

遮

一作望

斷長安陌芳草王孫暮不歸

早秋夜作

翠簾初清暑半銷撇簾松韻送輕颿莎庭露永琴書潤山郭月明砧杵遙傍砌綠苔

王會天氏文集

鳴蟋蟀遶簷紅樹織蠨蛸不須更作悲秋賦王粲辭家鬢已凋

寄江南逐客

二季音信阻湘潭萼下相思酒半酣記得竹齋風雨夜對牀孤枕話江南

冬夜

睡覺寒爐酒半消客情鄉夢兩遙遙無人為我磨心劒割斷愁腸一寸苗

又聞湖南荆渚相次陷沒

幾曾聞唱凱旋歌處處屯兵未倒戈天子

只憑紅旆壯將軍空恃紫髯多
苑填漢水連荆阜血染湘雲
接楚波莫問流離南越事
戰餘空有舊山河

家叔南游却歸因獻賀


繚繞江南一歲歸歸來行色滿戎衣
長聞鳳詔徵兵急何事龍韜獻捷稀
旅夢遠依湘水闊離魂空伴越禽飛
遙知倚棹思家處澤國煙深暮雨微


楚行吟

章華臺下草如煙故郢城頭月似弦
惆悵

楚宮雲雨後露啼華笑一季季

浣華集卷第二





浣花集卷第三

杜陵韋莊

今體詩凡三十九首

洛陽吟

昔大駕在蜀巢寇未平洛中寓居作七言

萬戶千門夕照邊
開元峇節舊風煙
宮官試馬遊三市
舞女乘舟上九天
胡騎北來空進主
漢皇西去竟昇僊
如今父老偏垂涕
不見承平四十年

過舊宅

華軒不見馬蕭蕭
廷尉門人久寂寥
朱檻

翠樓爲卜肆玉欄僊杏作春樵堦前雨落
鴛鴦瓦竹裏苔封蝶螻橋莫問此中銷歇
事娟娟紅淚泣芭蕉

喻東軍

四季龍馭守峨眉鐵馬西來步步遲五運
未教移漢鼎六韜何必待秦師幾岢鸞鳳
歸丹闕到處烏鳶從白旗獨把一罇和淚
酒隔雲遙奠武侯祠

清河縣樓作

有客微吟獨凭樓碧雲紅樹不勝愁盤鷓

江陰朱氏文房

迥印天心沒遠水斜牽日脚流千里戰塵
連上苑九江歸路隔東周故人此地揚帆
去何處相思雪滿頭

北原閑眺

春城回首樹重重立馬平原夕照中五鳳
灰殘金翠滅六龍游去市朝空千季王氣
浮清洛萬古坤靈鎮碧嵩欲問向來陵谷
事野樵無語淚萼紅

贈戍兵

漢皇無事暫遊汾底處狐狸嘯作羣夜指

碧天占晉分曉磨孤劍望秦雲紅旌不卷
風長急畫角閑吹日又曛止竟有征須有
戰洛陽何用久屯軍

觀軍迴戈

關中羣盜已心離關外猶聞羽檄飛御苑
綠莎嘶戰馬禁城寒月擣征衣漫教韓信
兵塗地不及劉琨嘯解圍昨日屯軍還夜
遁滿車空載洛神歸

中渡晚眺

魏王堤畔草如煙有客傷昔獨扣舷妖氣

江陰朱氏文房

欲昏唐社稷夕陽空照漢山川千重碧樹
籠春苑萬縷紅霞襯碧天家寄杜陵歸不
得一迴迴首一潸然

河內別村業閑題

阮氏清風竹巷深滿谿松竹似山陰門當
谷路多樵客地帶河聲足水禽閑伴爾曹
雖適意靜思吾道好霑襟隣翁莫問傷昔
事一曲高歌夕照沈

聞官軍繼至未覩凱旋

嫖姚何日破重圍秋草深來戰馬肥已有

孔明傳將略更聞王導得神機陣前鼙鼓
晴應響城上烏鳶飽不飛何事小臣偏注
目帝鄉遙羨白雲歸

和集賢侯學士分司丁侍御秋日

雨霽之作

洛岸秋晴夕照長鳳樓龍闕倚清光玉泉
山淨雲初散金谷樹多風正涼席上客知
蓬島路座中寒有柏臺霜多慙十載遊梁
士却伴賓鴻入帝鄉

題安定張使君

江陰朱氏文房

器度風標合出塵桂宮何負一枝新成丹
始見金無滓衝斗方知劍有神憤氣不銷
頭上雪政聲空布海邊春中興若繼開元
事堪向龍池作近臣

潁陽縣

琴堂連少室故事卽僊蹤樹老風聲壯山
高臘候濃雪多庭有鹿縣僻寺無鐘何處
畱詩客茆簷倚後峯

寄園林主人

主人常不在春物爲誰開
桃豔紅將落梨

萼雪又催曉鶯閑自轉遊客暮空回尚有
餘芳在猶堪載酒來

催一作推

洛北村居

十畝松篁百畝田歸來方屬大兵年巖邊
石室低臨水雲外嵐峯半入天鳥勢去投
金谷樹鐘聲遙出上陽煙無人說得中興
事獨倚斜暉憶仲宣

對梨萼贈皇甫秀才

林上梨萼雪壓枝獨攀瓊豔不勝悲依前
此地逢君處還是去季今日肯且戀殘陽

江陰朱氏文集

畱綺席莫推紅袖訴金卮騰騰戰鼓正多
事須信明朝難重持

立春

青帝東來日馭遲暖煙輕逐曉風吹罽袍
公子樽前覺錦帳佳人夢裏知雲圃乍開
紅菜甲綵幡新翦綠楊絲殷勤爲作宜春
曲題向萼牋帖繡楣

村笛

簫韶九奏韻淒鏘曲度雖高調不傷却見
孤村明月夜一聲牛笛斷人腸

題李斯傳

蜀魄湘魂萬古悲未悲秦相死秦豈臨刑
莫恨倉中鼠上蔡東門去自遲

贈薛秀才

相辭因避世相見尚兵戈亂後故人少別
來新話多但聞哀痛詔未覩凱旋歌欲結
巖棲伴何山好薜蘿

和元秀才別業書事

僻居春事好水曲亂萼陰浪過河移岸雛
成鳥別林綠錢榆貫重紅障杏籬深莫飲

江陰朱氏文房

宣城酒愁多醉易沈

紀村事

綠蔓映雙扉循牆一徑微雨多庭果爛稻
熟渚禽肥釀酒迎新社遙砧送暮暉數聲
牛上笛何處餉田歸

題許僊師院

地古多喬木遊人到且吟院開金鎖澁門
映綠篁深山色不離眼鶴聲長在琴往來
誰與熟乳鹿住前林

離筵訴酒

感君情重惜分離送我慙慙酒滿卮不是
不能判酩酊却憂前路醉醒嘗

不寐

不寐天將曉心勞轉似灰蚊吟頻到耳鼠
鬪競緣臺戶聞知蟾落林喧覺雨來馬嘶
朝客過知是禁門開

贈武處士

一身唯一室高靜若僧家掃地畱踈影穿
池浸落霞綠羅臨水合白道向村斜賣藥
歸來醉吟詩倚釣查

江陰朱氏文房

題吉澗盧拾遺莊

主人西遊去不歸滿谿春雨長春薇怪來
馬上訴情好印破青山白鷺飛

題潁源廟

曾是巢由棲隱地百川唯說潁源清微波
乍向雲根吐去浪遙衝雪嶂橫萬木倚簷
踈幹直羣峯當戶曉嵐晴臨川試問堯季
事猶被封人勸濯纓

東遊遠歸

扣角千名計已踈劍歌休恨食無魚辭家

柳絮三春半臨路槐萼七月初江上欲尋
漁父醉日邊豈得故人書青雲不識揚生
面天子何由問子虛

新正日南南道中作寄李明府

相看又見歲華新依舊楊朱拭淚巾踏雪
偶因尋戴客論文還比聚星人嵩山不改
千季色洛邑長生一路塵今日與君同避
世却憐無事是家貧

春暮

一春春事好病酒起常遲流水綠縈砌落

江陰朱氏女房

萼紅墮枝樓高喧乳燕樹密鬪雛鷗不學
山公醉將何自解頭

哭麻處士

却到歌吟地閉門草色中百季流水盡萬
事落萼空總帳屆秋月詩樓鏤夜蟲少微
何處墮雷恨白楊風

春早

聞鶯纔覺曉閉戶已知晴一帶窗間月斜
穿枕上生

和多人

閨門同隱士不出動經音靜閱王維畫閣
翻褚字安基落泉當戶急殘月下窗遲却想
從來意誰周亦自嗤

春愁

寓思本多傷逢春恨更長露霑湘竹淚
墮越梅糝睡怯交加夢閑傾漱灑觴後庭
人不到斜月上松篁

晚春

萼開疑乍富萼落似初貧萬物不如酒四
昔唯愛春峨峨秦氏髻皎皎洛川神風月

江陰朱氏文房

應相笑季季醉病身

題許渾詩卷

江南才子許渾詩字字清新句句奇十斛
明珠量不盡惠休虛作碧雲詞


贈禮佛名者

何用辛勤禮佛名我從無得到真庭尋思
六祖傳心印可是從來讀藏經

殘萼

和煙和露雪離披金蕊紅鬚尚滿枝十日
笙歌一宵夢苧蘿因雨失西施

浣花集卷第三



江陰朱氏文房

浣花集卷第四

杜陵韋莊

今體詩凡四十首

上元縣浙西作

南朝三十六英雄角逐興亡盡此中有國
有家皆是夢為龍為虎亦成空殘華舊宅
悲江令落日青山弔謝公止竟霸圖何物
在石麟無主臥秋風

江上逢史館李學士

前季分袂陝城西醉凭征軒日欲低去浪

指期魚必變出門迴首馬空嘶關河自此
爲征壘城闕于今陷戰輦昔巢寇未平誰謂世
途陵曷谷燕來還識舊巢泥

金陵圖

誰謂傷心畫不成畫人心逐世人情君看
六幅南朝事老木寒雲滿故城

謁蔣帝廟

建業城邊蔣帝祠素髯清骨舊風姿江聲
似激秦軍破山勢如匡晉祚危殘雪嶺頭
明組練晚霞簷外簇旌旗金陵客路方流

落空祝迴鑿與酒卮

聞再幸梁洋

纔喜中原息戰輦又聞天子幸巴西延燒
魏闕非關燕大狩陳倉不爲雞興慶玉龍
寒自躍昭陵石馬夜空嘶遙思萬里行宮
夢太白山前月欲低

王道者

五雲遙指海中央金鼎曾傳肘後方三島
路歧空有月十洲萼木不知霜因攜竹杖
聞龍氣爲使僊童帶橘香應笑我曹身是

夢白頭猶自學詩狂

陪金陵府相中堂夜宴

滿耳笙歌滿眼萼滿樓珠翠勝吳娃因知
海上神僊窟只似人間富貴家繡戶夜攢
紅燭市舞衣晴曳碧天霞却愁宴罷青蛾
散楊子江頭月半斜

和侯秀才同及生泛舟谿中相招

之作

嵇阮相將棹酒船晚風侵浪水侵舷輕如
控鯉初離岸遠似乘槎欲上天雨外鳥歸

吳苑樹鏡中人入洞庭煙憑君不用迴舟
疾今夜西江月正圓

贈野童

羨爾無知野性真亂搔蓬髮笑看人閑衝
暮雨騎牛去肯問中興社稷臣

代書寄馬

驅馳曾在五侯家見說初生自渥洼鬃白
似披梁苑雪頸肥如撲杏園萼休嫌綠綬
嘶貧舍好着紅纓入使衙穩上雲衢千萬
里季季長踏魏堤沙

題淮陰侯廟

滿把椒漿奠楚祠，碧幢黃鉞舊英威。
能扶漢代成王業，忍見唐民陷戰機。
雲夢去昔高鳥盡，淮陰歸日故人稀。
如何不借平齊策，空看長星落賊圍。

送崔郎中往使西川行在

拜書辭玉帳，萬里劔關長。
新馬杏萼色，綠袍春草香。
一身朝玉陛，幾日過銅梁。
莫戀爐邊醉，僊宮待侍郎。

潤州顯濟閣曉望

清曉水如鏡，隔江人似鷗。
遠煙藏海島，初日照揚州。
地壯孫權氣，雲凝庾信愁。
一蓬何處客，吟凭釣魚舟。

觀浙西府相畋遊

十里旌旗十萬兵，等閑遊獵出軍城。
紫袍日照金鸚鬪，紅旆風吹畫虎狸。
帶箭彩禽雲外落，避鵬寒兔月中驚。
歸來一路笙歌滿，更有僊娥載酒迎。

官莊

江南富民悉以犯酒沒家產，因此詩諷之。浙帥遂改酒

法不入財產

誰氏園林一簇煙
路人遙指盡長歎
桑田稻澤今無主
新犯香醪沒入官

解維

又解征帆落罨中
暮程還過秣陵東
二季辛苦煙波裏
贏得風姿似釣翁
雨霽池上作呈侯學士
鹿巾藜杖葛衣輕
雨歇池邊晚吹清
正是如今江上好
白鱗紅稻紫蓴羹

寓言

爲儒逢世亂
吾道欲何之
學劍已應晚
歸

江陰朱氏文房

山今又遲故人三載別
明月兩鄉悲惆悵
滄江上星星鬢有絲

哭同舍崔員外

却到同遊地
三季一電光
池塘春草在風
燭故人已祭
罷泉聲急齋
餘磬韻長碧
天應有恨斜日
弔松篁

題姑蘇凌處士莊

一簇林亭返哭間
門當官道不曾關
萼深遠岸黃鶯鬧
雨急春塘白鷺閑
載酒客尋吳苑寺
倚樓僧看洞庭山
怪來話得僊中

事新有人從物外還

過當塗縣

客過當塗縣停車訪舊遊謝公山有墅李
曰酒無樓采石萼空發烏江水目流夕陽
誰共感寒鷺立汀洲

江亭酒醒却寄維揚餞客

別筵人散酒初醒江步黃昏雨雪零滿坐
綺羅皆不見覺來紅樹背銀屏

臺城

江雨霏霏江草齊六朝如夢鳥空啼無情

最是臺城柳依舊煙籠十里堤

贈漢翁

草衣荷笠鬢如霜自說家編楚水陽滿岸
秋風吹枳橘遠陂煙雨種菰蔣蘆刀夜鱸
紅鱗膩木甌朝蒸紫芋香曾向五湖期范
蠡爾來空闊久相忘

過揚州

當年人未識兵戈處處青樓夜夜歌萼發
洞中春日永月明衣上好風多淮王去後
無雞犬煬帝歸來葬綺羅二十四橋空寂

寂綠楊摧折舊官河

寄右省李起居

已向鴛行接鴈行
便應雙拜紫微郎
纔聞闕下徵書急
已覺回朝草詔忙
白馬似憐朱紱貴
綵衣遙惹御爐香
多慙十載遊梁客
字缺換青襟侍素王

鑷白

白髮太無情
朝朝鑷又生
始因絲一縷
漸至雪千莖
不避佳人笑
唯慙稚子驚
新季過半百
猶歎未休兵

漳亭驛小櫻桃

當季此樹正萼開
五馬僊郎載酒來
李白已亡工部死
何人堪伴玉山頽

隔吳秀才雲川相送

一葉南浮去似飛
楚鄉雲水本無依
離心不忍聞春鳥
病眼何堪送落暉
摻袂客從萼下散
棹舟人向鏡中歸
夫君別我應惆悵
十五季來識素衣

對雨獨酌

榴萼新釀綠於苔
對雨閑傾滿滿盃
荷鍾

醉翁真達者臥雲逋客竟悠哉能詩豈是
經岿策愛酒元非命世才門外綠蘿連洞
口馬嘶應是步兵來

夏初與侯補闕江南有約同泛淮

汴西赴行朝莊自九驛路先至甬
橋補闕由淮楚續至泗上寢病旬

日遽聞捐館迴首悲慟因成長句

四韻弔之巴後自浙西遊汴宋路
至陳倉迎駕却過昭義

相州路歸
金陵作

本約同來謁帝闈忽隨川浪去東奔九重

江陰朱氏文集

聖主方虛席千里高堂尚倚門世德只應
榮伯仲昔名終自付兒孫遙憐月落清淮
上寂寞何人弔旅魂

汴堤行

欲上隋堤舉步遲隔雲烽燧叫非昔纔聞
破虜將休馬又道征遼再出師朝見西來
爲過客暮看東去作浮屍綠楊千里無飛
鳥日落空投舊店基

旅次甬西見兒童以竹槍紙旗戲
爲陣列主人叟曰斯子也三世沒

于陣思所襲祖父讎余因感之

已聞三世沒軍營又見兒孫學戰爭見爾
此言堪慟哭遣予何日望昔平

自孟津舟西上雨中作

秋煙漠漠雨濛濛不卷征帆任晚風百口
寄安滄海上一身逃難綠林中來昔楚岸
楊萼白去日隋堤蓼穗紅却到故園翻似
客歸心迢遞秣陵東

含山店夢覺作

曾爲流離慣別家等閑揮袂客天涯燈前

江陰朱氏文房

一覺江南夢惆悵起來山月斜

題貂黃嶺官軍

散騎蕭蕭下太行遠從吳會去陳倉斜風
細雨江亭上盡日凭欄憶楚鄉

過內黃縣

相州吹角欲斜陽匹馬搖鞭宿內黃僻縣
不容投刺客野陂昔遇射鵬郎雲中粉堞
新城壘店後荒郊舊戰場猶指去程千萬
里秣陵煙樹在何鄉

襟感

莫悲建業荆榛滿
管日繁華是帝京
莫愛廣陵臺榭好
也曾蕪沒作荒城
魚龍爵馬皆如夢
風月煙花豈有情
行客不勞頻悵望
古來朝市歎衰榮

垣縣山中尋李書記山居不遇畱

題河次店

白雲紅樹屹嶺東
名鳥羣飛古畫中
僊吏不知何處隱
山南山北雨濛濛


送人遊并汾

風雨蕭蕭欲暮秋
獨攜孤劍塞垣遊
如今


江陰朱氏文房

虜騎方南牧
莫過陰關第一州

浣花集卷第四



江表朱氏文集



浣花集卷第五

杜陵韋莊

今體詩凡二十八首

李氏小池亭十二韻

皆在婺州寄居作

積石亂巉巖庭莎綠不芟小橋低跨水危

檻半依巖華落與爭唼櫻紅鳥競鷗竹咸切鳥

啄物也引泉疏地脈掃絮積漬山嵌口銜切古

柳紅綃織新篁紫綺緘養猿秋嘯月放鶴

夜棲杉枕簟谿雲膩池塘海雨鹹語窗雞

逞辦砥鼎大偏饒踏蘚青粘屐攀蘿綠映

衫訪僧舟北渡貫酒日西銜遲滯客登高
閣題詩遶翠岳家藏何所寶清韻滿琅函

遣興

如幻如泡世多愁多病身亂來知酒聖貧
去覺錢神異國清明節空江寂寞春聲聲
林上鳥喚我北歸秦

婺州和陸諫議將赴闕懷陽羨山

居

望闕路仍遠子牟魂欲飛道開燒藥鼎僧
寄臥雲衣故國饒芳草他山掛夕暉東陽

工餘未氏文房

雖勝地王粲奈思歸

江上題所居

故人相別盡朝天苦竹江頭獨閉關落日
亂蟬蕭帝寺碧雲歸鳥謝家山青州從事
來偏羨泉布先生老漸慳不是對華長醕
酌永嘉肯代不如閑

婺州屏屋蒙右省王拾遺車枉降
訪病中延候不得因成寄謝

三季流落臥漳濱王粲思家拭淚頻畫角
莫吹殘月夜病心方憶故園春自爲江上

樵蘇客不識天邊侍從臣
怪得白鷗驚去盡綠蘿門外有朱輪

將卜蘭芷村居畱別郡中在仕

蘭芷江頭寄斷蓬移家空載一帆風
伯倫嗜酒還因亂平子歸田不爲窮
避世漂零人境外結茅依約畫屏中
從今隱去應難覓深入蘆華作釣翁

和陸諫議避地寄東陽進退未決

見寄

未歸天路紫雲深
暫駐東陽歲月侵
入洛

江陰朱氏文房

聲華當世重
閑周章句滿朝
吟開爐夜看
黃芽鼎卧
瓮閑欹白玉簪
讀易草玄人不
會憂君心是致君心

山野閑題

邇迤前岡歷後岡
一川桑柘好殘陽
主人饋餉炊紅黍
鄰父攜竿釣紫魴
靜極却嫌流水
鬧閑多翻笑野雲
忙有名不邴無名
客獨閉衡門避建康

江上逢故人

前季送我曲江西
紅杏園中醉似泥
今日

逢君越谿上杜鵑華發鷓鴣啼來出舊里
人誰在別後滄波路幾迷江畔玉樓多美
酒仲宣懷土莫淒淒

旅中感遇寄呈李祕書昆仲

南望愁雲鎖翠微謝家樓閣雨霏霏劉禎
病後新詩少阮籍貧來好客稀猶喜故人
天外至許將孤劍日邊歸懷鄉不怕嚴陵
笑只待秋風別釣磯

送范評事入關

寂寥門戶寡相親日日頻來只有君正喜

江陰朱氏文房

琴樽長作伴忽攜書劍遠辭羣傷心柳色
離亭見聒耳蟬聲故國聞爲報明季否園
客與畱絕艷待終軍

東陽酒家贈別二絕句

送君同上酒家樓酪酏翻成一笑休正是
落萼饒悵望醉鄉前路莫回頭
天涯方歎異鄉身又向天涯別故人明日
五更孤店月醉醒何處淚霑巾

江上村居

本無蹤跡戀柴扃世亂須教識道情顛到

夢魂愁裏得，擷奇詩句望中生。萼綠艷絕
栽難好，山爲看多詠，不成聞道。漢軍新破，
虜使來仍說近離京。

江外思鄉

季季春日異鄉悲，杜曲黃鶯可得知。夏被
夕陽江岸上，斷腸煙柳一絲絲。

和鄭拾遺秋日感事一百韻

禍亂天心厭，流離客思傷。有家拋上國，無
罪謫遐方。負笈將辭越，揚帆欲泛湘。避皆
難駐足，感事易回腸。雅道何銷德，妖星忽

耀芒中原初縱燎，下國竟探湯。盜據三秦
地，兵纏八水鄉。戰塵輕犯闕，羽旆遠巡梁。
自此修文代，俄成講武場。熊羆驅涿鹿，犀
象走昆陽。御馬迷新棧，宮娥改舊粧。五丁
功再覩，八難事難忘。鳳引金根疾，兵環玉
弩彊。建牙雖可恃，摩壘詎能防。霍廟神遐
遠，圯橋路杳茫。出師威似虎，禦敵很如羊。
眉畫猶思赤巾裁，未厭黃晨趨。鳴鐵騎夜
舞，挹瓊觴。僭侈彤襜亂，誼呼繡鬢攘。但聞
爭曳組，詎見學垂韁。鵠印提新篆，龍泉奪

曉霜軍威徒逗撓我武自惟揚負屨勞天
眷凝旒念國章繡旗張畫獸寶馬躍紅鴛
但欲除妖氣寧思蔽耿光曉煙生帝里夜
火入春坊鳥怪巢宮樹狐驕上苑牆設危
終在德視履豈無祥氣激雷霆怒神驅岳
瀆忙功高分虎節位下取龍驤遍命登壇
將巡封異姓王志求扶墜典力未振頽綱
漢路開鷗鷺雲衢駐驕驕寶裝軍器麗麋
衰戰袍香日覩兵書捷肯聞虜騎士人心
驚獬豸雀意伺螳螂上略咸推妙前鋒詎

江陰朱氏文房

可當紆金光熒耀執玉意藏昂覆餗非無
謂奢華事每詳四民皆組綬九土墮耕桑
飛騎黃金勒香車翠佃裝八珍羅膳府五
采鬪筐牀宴集喧華第歌鍾簇畫樑永期
傳子姓寧誤犯天狼未覩君除側徒思玉
在傍竄身奚可保易地喜相將國運方夷
險天心詎測量九流雖暫蔽二柄豈相妨
小孽乖躔次中興繫昊蒼灑堯功已普罪
已德非涼帝念惟思理臣心豈自遑詔催
青瑣客肯待紫微郎定難輸宸算勝災滅

御梁皇恩思蕩蕩睿澤轉洋洋偃卧雖非
晚艱難亦備嘗舜庭招諫鼓漢殿上書囊
儉德遵三尺清朝俟一匡世隨渙父醉身
效接輿狂竄逐同天寶遭罹異建康道孤
悲海滢家遠隔天潢卒歲貧無褐經秋病
泛漳似魚甘去乙比蟹未成筐守道慙無
補趨肯愧不臧殷牛常在耳晉豎欲潛盲
忸恨山思板懷歸海欲航角吹魂悄悄笛
引淚浪浪亂覺乾坤窄貧知日月長勢將
隨鶴列忽喜遇鴛行已報新迴駕仍聞近

納隍文風銷劒楯禮物換旂裳紫闥重開
序青衿再設庠黑頭期命爵頰尾尚憂魴
吳坂嘶騏驥岐山集鳳皇詞源波浩浩諫
署玉鏘鏘飼雀會傳慶烹蛇詎有殃破弓
禪勁鏃匣劒淬神鈿諤諤寧慙直堂堂不
謝張曉風趨建禮夜月直文昌去國肯雖
久安邦志不常良金鑪自躍美玉積難藏
北望心如旆西歸律變商跡隨江燕去心
逐塞鴻翔晚翠籠桑塢斜暉掛竹堂路愁
千里月田愛萬斯箱伴釣歌前浦隨樵上

遠崗鷺眠依晚嶼鳥浴上枯楊驚夢綠欵
枕多吟爲倚廊訪僧紅葉寺題句白雲房
帆外青楓老樽前紫菊芳夜燈銀耿耿曉
露玉灑灑異國慙傾蓋歸塗俟併糧身雖
畱震澤心已過雷塘執爰知誰在家山各
已荒海邊登桂檝煙外泛雲牆巢樹禽思
越嘶風馬戀羌寒聲愁聽杵空館厭聞蠶
望闕飛華蓋趨朝振玉璫米慙無蕘苽麩
喜有桺榔話別心重結傷昔淚一滂佇歸
蓬島後綸詔潤青絳

江陰朱氏文廢

夢入關

夢中乘傳過關亭南望蓮峯簇簇青馬上
正吟歸去好覺來江月滿前庭

送人歸上國

送君江上日西斜泣向江邊滿樹萼若見
青雲舊相識爲言流落在天涯

聞春鳥

雲晴春鳥滿江村還似長安舊日聞紅杏
萼前應笑我我今憔悴亦羞君

櫻桃樹

記得初生雪滿枝和蜂和蝶帶萼移如今
萼落遊蜂去空作主人惆悵詩

獨鶴

夕陽灘上立徘徊紅蓼風前雪翅開應爲
不知棲宿處幾迴飛去又飛來

新栽竹

寂寞堦前見此君遶欄吟罷却沾巾異鄉
流落誰相識唯有叢篁似主人

稻田

綠波春浪滿前陂極目連雲秬稭肥更被

江陰朱氏文房

鷺鷥千點雪破煙來入畫屏飛

庭前菊

爲憶長安爛熳開我今移爾滿庭栽紅蘭
莫笑青青色曾向龍山泛酒來

燕來

去歲辭巢別近隣今來空訝草堂新萼開
對語應相問不是村中舊主人

倚柴關

杖策無言獨倚關如癡如醉又如閑孤吟
盡日何人會依約前山似故山

題七步廊

席門無計那殘陽
夏接簷前七步廊
不羨東都丞相宅
每行吟得好篇章

語松竹

庭前芳草綠於袍
堂上詩人欲二毛
多病不禁秋寂寞
雨松風竹莫騷騷

浣花集卷第五

江陰朱氏文房

浣花集卷第六

杜陵韋莊

今體詩凡十七首

不出院楚公

自三衢至江西作

一自禪關閉心猿
日漸馴不知城郭路
稀識市朝人履帶
堦前雪衣無寺外塵
却嫌山翠好詩客
往來頻

江邊吟

江邊烽燧幾皆休
江上行人雪滿頭
誰信亂離萼不見
只應惆悵水東流
陶潛政事

千杯酒張翰生涯一葉舟若有片帆歸去
好可堪重倚仲宣樓

江南送李明府入關

雨萼煙柳傍江村流落天涯酒一罇分首
不辭多下淚迴頭唯恐更消魂我爲孟館
三千客君繼寧王五代孫正是中興磐石
重莫將顛顛入都門

送福州王先輩南歸

豫章城下偶相逢自說今方遇至公八韻
賦吟梁苑雪六銖衣惹杏園風名標玉籍

江陰朱氏文房

僊壇上家寄閩山畫障中明日一杯何處
別綠楊煙岸雨濛濛

夜雪泛舟遊南溪

大江西面小溪斜入竹穿松似若耶兩岸
嚴風吹玉樹一灘明月曬銀砂因尋野渡
逢漁舍更泊前灣上酒家去去不知歸路
遠棹聲煙裏獨嘔啞

江行西望

西望長安白日遙半季無事駐蘭橈欲將
張翰秋江雨畫作屏風寄鮑昭

銅儀

銅儀一夜變葭灰暖律還吹嶺上梅已喜
漢官今再覩更驚堯曆又重開窗中遠岫
青如黛門外長江綠似苔誰念閉關張仲
蔚滿庭春雨長蒿萊

含香

含香高步已難陪鶴到清霄勢未迴遇物
旋添芳草句逢春寧滯碧雲才微紅幾處
萼心吐嫩綠誰家柳眼開却去金鑿爲近
侍便辭鷗鳥不歸來

春雲

春雲春水兩溶溶倚郭樓臺晚翠濃山好
只因人化石地靈曾有劍爲龍官辭鳳闕
頻經歲家住峨眉第幾峯王粲不知多少
恨夕陽吟斷一聲鐘

雲散

雲散天邊落暝和關關春樹鳥聲多劉伶
避世唯沈醉甯戚傷昔亦浩歌已恨歲華
添皎鏡更非人事逐頽波青雲自有鷓鴣
待莫說他山好薜蘿

袁州作

家家生計只琴書一郡清風似魯雋山色
東南連紫府水聲西北屬洪都煙霞盡入
新詩卷郭邑開開古畫圖正是江村春酒
熟更聞春鳥勸提壺

題袁州謝秀才所居

主人季少已能詩更有松軒掛夕暉芳草
似袍連徑合白雲如鳥傍簷飛但將竹葉
消春恨莫遣楊華上客衣若有前山好煙
雨與君吟到暝鐘歸

江陰朱氏文集

謁巫山廟

亂猿啼處訪高唐路入煙霞草木香山色
未能忘宋玉水聲猶似哭襄王朝朝暮暮
陽臺下爲雨爲雲楚國亡惆悵廟前無限
一作
多少桺春來空鬪畫眉長

鷓鴣

南禽無侶似相依錦翅雙雙傍馬飛孤竹
廟前啼暮雨汨羅祠畔弔殘暉秦人只解
歌爲曲越女空能畫作衣懊惱澤家非有
恨季季長憶鳳城一作
皇歸懊惱澤家鷓
鴣之音也

宿蓬船

夜來江雨宿蓬船，卧聽淋鈴不忍眠。却憶
紫微情調逸，阻風中酒過年年。

送李秀才歸荆溪

八月中秋月正圓，送君吟上木蘭船。人言
格調勝玄度，我愛篇章敵浪仙。晚渡去崑
衝細雨，夜灘何處宿寒煙。楚王宮去陽臺
近，莫倚風流滯少年。


洪州送西明寺省上人遊福建

記得初騎竹馬年，送師來往御溝邊。荆榛

江陰朱氏文房

已失當昔路，槐柳全無舊日煙。遠自稽山
遊楚澤，又從廬岳去閩川。新春闕下應相
見，紅杏華中覓酒僊。

浣萼集卷第六



江陰朱氏文房

浣花集卷第七

杜陵韋莊

今體詩凡二十六首

建昌渡暝吟

月照臨官渡鄉情獨浩然
鳥棲彭蠡樹月上建昌船
市散漢翁醉樓深賈客眠
隔江何處笛吹斷綠楊煙

歲除對王秀才作

我惜今宵促君愁玉漏頻
豈知新歲酒猶作異鄉身
雪向寅前凍華從子後
春到明

追此會俱是隔季人

酒渴愛江清

酒渴何方療江波一掬清瀉甌如練色漱
齒作泉聲味帶他山雪光含白露精只應
千古後長稱伯倫情

和李秀才郊墅早春吟興十韻

暖律變寒光東君景漸長我悲遊海嶠君
說住柴桑雪色隨高嶽冰聲陷古塘草根
微吐翠梅朶半含霜酒市多逋客漢家足
夜航匡廬雲傍屋彭蠡浪衝牀綠擺楊枝

江陰朱氏文房

嫩紅挑菜甲香鳳凰城已盡鸚鵡賦應狂
佇見龍辭沼寧憂鴈失行不應雙劍氣長
在斗牛傍

泛鄱陽湖

四顧無邊鳥不飛大波驚隔楚山微紛紛
雨外靈均過瑟瑟雲中帝子歸逆鯉似梭
投遠浪小舟如葉傍斜暉鴟夷去後何人
到愛者雖多見者稀

黃藤山下聞猿

黃藤山下駐歸程一夜號猿弔旅情入耳

便能生百恨斷腸何必待三聲穿雲宿處
人難見望月啼峇兔正明好笑五陵季少
客壯心無事也沾纓

章江作

杜陵歸客正徘徊玉笛誰家叫落梅之子
棹從天外去故人書自日邊來楊萼慢惹
霏霏雨竹葉閑傾滿滿杯欲問惟揚一作旌陽
舊風月一江紅樹亂猿哀

南遊富陽江中作

南去又南去此行非自期一帆雲作伴千

江陰朱氏文房

里月相隨浪跡華應笑衰容鏡每知鄉園
不可問禾黍正離離

饒州餘干縣琵琶洲有故韓賓客

宣城裴尚書修行李侍郎舊居遺

址猶存客有過之感舊因以和吟

琵琶洲近斗牛星鸞鳳曾於此放情已覺
地靈因昴降更聞川媚有珠生一灘紅樹
畱佳氣萬古清絃續政聲戟戶盡移天上
去里人空說舊簪纓

九江逢盧員外

前季風月宿琴堂大媚僊山近帝鄉別後
幾沾新雨露亂來猶記舊篇章陶潛豈是
銅符吏田鳳終爲錦帳郎莫怪相逢倍惆
悵九江煙月似瀟湘

南昌晚眺

興一作

南昌城郭枕江煙章水悠悠浪拍天芳草
綠遮僊尉宅落霞紅襯賈人船霏霏閣上
千山雨嘒嘒雲中萬樹蟬怪得地多章句
客庾家樓在斗牛邊

衢州江上別李秀才

江陰朱氏文房

千山紅樹萬山雲把酒相看日又曛一曲
離歌兩行淚更知何地再逢君

湘中作

千重煙樹萬重波因便何妨弔汨羅楚地
不知秦地亂南人空怪此人多臣心未肯
教遷鼎天道還應欲止戈否去秦來終可
待夜寒休唱飯牛歌

桐廬縣作

錢塘江盡到桐廬水碧山青畫不如白羽
鳥飛巖子瀨綠蕞人釣季鷹魚潭心倒影

昔開合谷口閑雲自卷舒此境只應詞客
愛投文空弔木玄虛

東陽贈別

繡袍公子出旌旗送我搖鞭入翠微大抵
行人難訴酒就中辭容易沾衣去昔此池
題橋去歸日何季佩印歸無限別情言不
得回看谿柳恨依依

寄湖州舍弟

半季江上愴離襟把得新詩喜又吟多病
似逢秦氏藥久貧如得顧家金雲煙但有

江陰朱氏文房

穿楊志塵土都無作吏心何況別來詞轉
麗不愁明代少知音

信州西三十里山名僊人城下有

月巖山其狀秀拔中有山門如滿

月之狀余因行役過其下聊賦是

詩

驅車過閩越路出饒陽西僊山翠如畫簇
簇生虹蜺羣峯若侍從衆阜如嬰提巖巒
互吞吐嶺岫相追攜中有月輪滿皎潔如
圓珪玉皇恣遊覽到此神應迷常娥曳霞

帔引我同攀躋騰騰上天半玉鏡懸飛梯
瑤池何悄悄鸞鶴煙中棲回頭望塵世露
下寒淒淒

夔州水館重陽日作

異國逢佳節憑高獨苦吟一杯今日酒萬
里故鄉心水館紅蘭合山城紫菊深白衣
雖不至鷗鳥自相尋

避地越中作

避世移家遠天涯歲已周豈知今夜月還
是去季愁露果珠沈水風螢燭上樓傷心

江陰朱氏文房

潘騎省華髮不禁秋

撫州江口雨中作

江上閑衝細雨行滿衣風灑綠荷聲金驅
掉尾橫鞭望猶指廬陵半日程

信州谿岸夜吟作

夜倚臨谿店懷鄉獨苦吟月當山頂出星
倚水湄沉霧氣渙燈冷鐘聲谷寺深一城
人悄悄琪樹宿僊禽

訪潯陽友人不遇

不見安期海上樓寂寥人對鷺鶯愁蘆萼

雨急江煙暝何處潺潺獨棹舟

東林寺再遇僧益大德

見師初事懿皇朝三殿歸來白馬驕上講
每教傾國聽承恩偏得內官饒當昔可愛
人如畫今日相逢鬢已凋若向君門逢舊
爻爲傳音信到字霄

西塞山下作

西塞山前水似藍亂雲如絮滿澄潭孤峯
漸映湓城北片月斜生夢澤南爨動曉煙
烹紫鯪露和香帶摘黃柑他季却棹扁舟

江陰朱氏文房

去終傍蘆花結一菴

齊安郡

弭棹齊安郡孤城百戰殘傍村林有虎帶
郭縣無官暮角梅華怨清江桂影寒黍離
綠底事撩我起長歎

夏口行寄夔州諸弟

迴頭煙樹各天涯婺女星邊遠寄家盡眼
楚波連夢澤滿衣春雪落江華雙雙得伴
爭如鴈一一歸巢却羨鷗誰道我隨張博
望悠悠空外泛僊槎

浣花集卷第七

江陰朱氏文房

浣花集卷第八

今體詩凡九首

杜陵韋莊

南省伴直

甲寅季自江南到京後作

文昌二十四僊曹
盡倚紅簷種露桃
一洞煙霞人迹少
六行槐柳鳥聲高
星分夜彩寒侵帳
蘭惹春香綠映袍
何事愛畱詩客宿
滿庭風雨竹蕭騷

鄠杜舊居二首

却到山陽事事非
谷雲谿鳥尚相依
阮咸

貧去田園盡向秀歸來父老稀秋雨幾家
紅稻熟野塘何處錦鱗肥季季爲獻東堂
策長是蘆萼別釣磯

一徑尋村渡碧谿稻萼香澤水千畦雲中
寺遠磬難識竹裏巢深鳥易迷紫菊亂開
連井合紅榴初綻拂簷低歸來滿把如澆
酒何用傷嗚歎鳳兮

寄江南諸弟

萬里逢歸鴈鄉書忍淚封吾身不自保爾
道各何從性拙唯多蹇家貧半爲慵祇思

江陰朱氏文房

谿影上卧看玉華峯

投寄舊知

却將顛顛入都門自喜煙霄足故人萬里
有家畱百越十季無路到三秦摧殘不是
當昔貌流落空餘舊日貧多謝青雲好知
已莫教歸去重沾巾

癸丑季下第獻新先輩

五夏殘月省牆邊絳旆蜺旌卓曉煙千炬
火中鶯出谷一聲鐘後鶴冲天皆乘駿馬
先歸去獨被羸童笑晚眠對酒暫肯情豁

爾見萼依舊涕泫然未甌闕澤傭書債猶
欠君平賣卜錢何事欲休休不得來季公
道似今季

題汧陽縣馬跑泉李學士別業

水滿寒塘菊滿籬籬邊無限彩禽飛西園
夜雨紅櫻熟南畝秋風白稻肥草色自畱
閑客住泉聲如待主人歸九霄歧路忙於
火肯戀斜陽守釣磯

絳州過夏畱獻鄭尚書

朝朝沉醉引金船不覺西風滿樹蟬光景


江陰朱氏文房

暗消銀燭下夢魂長寄玉輪邊因循每被
肯流諛奮發須由國士憐明日客腸何處
斷綠槐風裏獨揚鞭

綏州作

雕陰無樹水難流雉堞連雲古帝州帶雨
晚馳鳴遠戍望鄉孤客倚高樓明妃去日
萼應笑蔡琰歸肯鬢已秋一曲單于暮烽
起扶蘇城上月如鈞

浣花集卷第八



浣花集卷第九

杜陵韋 莊

今體詩凡十二首

與東吳生相遇

及弟後出關作

十季身事各如萍
白首相逢淚滿纓
老去不知華有態
亂來唯覺酒多情
貧疑陋巷春偏少
賤想豪家月最明
且一作獨對一罇開口笑
未衰應見泰階平

庭前桃

曾向桃源爛漫遊也同漁父泛僊舟
皆言

洞裏千株好未勝庭前一樹幽帶露似垂
湘女淚無言如伴息嬌愁五陵公子饒春
恨莫引香風上酒樓

丙辰年鄜州遇寒食城外醉吟七

言五首

滿街楊柳綠絲煙畫出清明二月天好是
隔簾萼樹動女郎撩亂送鞦韆

淮陰寒食足遊人金鳳羅衣濕麝薰腸斷
入城芳草路淡紅香白一羣羣

開元坡下日初斜拜掃歸來走鈿車可憐

江陰朱氏文房

數枝紅艷好不知今夜落誰家

馬驕風疾玉鞭長過去唯畱一陣香閑客
不須燒破眼好萼皆屬富家郎

雨絲煙柳欲清明金屋人閑煖鳳笙永日
一作畫迢迢無一事隔街聞築氣毬聲

空君縣北卜居不遂畱題王秀才

別墅二首

本期同此卧林丘楫拙爐前擁布裘何事
却缺字羸馬去白雲紅樹不相畱

明月嚴霜撲早貂羨君高卧正逍遙門前

浣花集卷九
積雪深三尺火滿紅爐酒滿瓢

鄜州留別張員外

江南相送君山下塞北相逢朔漠中三楚
故人皆是夢十香陳事只如風莫言身世
他昔異且喜琴樽數日同惆悵却愁明日
別馬嘶山店雨濛濛

病中聞相府夜宴戲贈集賢盧學

士

滿筵紅蠟爨香鈿一夜歌鐘欲沸天
萼裏亂飛金錯落月中爭認繡連乾
樽前莫話


江陰朱氏文房

詩三百醉後寧辭酒十千無那兩三新進
士風流長得飲徒憐

出關

馬嘶煙岸柳陰斜東去一作回首關山路轉賒
到處因循綠嗜酒一生惆悵爲判萼危岬
祇合身無著白日那堪事有涯正是灞陵
春酌綠仲宣何事獨辭家

浣花集卷第九



江陰朱氏文房

浣花集卷第十

杜陵韋莊

今體詩凡六首

過樊川舊居

昔在華州駕前
奉使入蜀作

却到樊川訪舊遊
夕陽衰草杜陵秋
應劉去後苔生閣
嵇阮歸來雪滿頭
能說亂離唯有燕
解偷閑暇不如鷗
千桑萬海無人見
橫笛一聲空淚流

長安舊里

滿目牆匡春草深
傷豈傷事更傷心
車輪

浣花集卷第十
馬跡今何在十二玉樓無處尋

過漢陂懷舊

辛勤曾寄玉峯前一別雲溪二十季三徑
荒涼迷竹樹四隣凋謝變桑田漢陂可是
當昔事紫閣空餘舊日煙多少亂離無處
問夕陽吟罷涕潸然

汧陽間

汧水悠悠去似緝遠山如畫翠眉橫僧尋
野渡歸吳嶽鷹帶斜陽入渭城邊靜不收
蕃帳馬地貧唯賣隴山鸚牧童何處吹羌

江陰朱氏文房

笛一曲梅萼出塞聲

焦崖閣

李白曾歌蜀道難長聞白日上青天今朝
夜過焦崖閣始信星河在馬前

雞公嶺

去襄城縣
二十里

石狀雖如幘山形可類雞向風疑欲鬪帶
雨似聞啼蔓織青籠合松長翠羽低不鳴
非有意爲怕客奔齊

浣花集卷第十終

無處買煙霞須知得自神仙手也知價重
連城壁一紙萬金猶不惜萍濤昨夜夢中
來殷勤勸向君邊覓


詠白牡丹

閨中莫妬啼妝婦陌上須慚傳粉郎昨夜
月明清似水入門惟覺一庭香

浣花補遺集終

書莊字端已見素之孫唐昭宗乾

寧元年進士授校書郎王建開偽
蜀莊時在華州爲前遷起居舍人
後爲蜀相卒所著有浣花集其弟
諱嘗爲作序今不存姑缺之既刻
其集又考得遺詩二篇附後作補
遺云朱承爵子詹拜記



Vertical columns of text in seal script, contained within a rectangular border. The text is arranged in approximately 12 columns, reading from right to left. A large square seal impression is overlaid on the text in the center of the page.

